

SEMINAR BELIA MABIMS 2004
“Menjana Belia Penyumbang : Peluang & Cabaran”

Dalam rangka peranannya sebagai Negara Pengubung Tetap bagi bidang kerjasama “Mengatasi Masalah Sosial Di Kalangan Remaja Dan Belia Islam Yang Dihadapi Oleh Negara MABIMS”, Republik Singapura telah menganjurkan Seminar Belia MABIMS pada 4 hingga 5 Disember 2004 di Bilik Sir Stamford, Hotel Grand Hyatt Singapore.

Objektif seminar tersebut adalah untuk :

- Mengenalpasti cabaran yang dihadapi belia pada hari ini dalam menjalani kehidupan mereka sebagai seorang Muslim dan warganegara yang baik dan yang menyumbang kepada masyarakat.
- Mengenalpasti pendekatan baru dan kreatif dalam menangani cabaran tersebut serta mengukuhkan pembangunan perwatakan dan identiti di kalangan belia.
- Bertukar-tukar idea dan berkongsi pengalaman tentang cara bagaimana setiap negara anggota MABIMS dapat mendekati belia untuk mencapai objektif di atas.

Seramai 18 peserta dari Negara Anggota MABIMS telah menghadiri seminar tersebut. Ini terdiri dari 5 peserta dari Negara Brunei Darussalam dan Republik Singapura serta 4 peserta dari Negar Malaysia dan Republik Indonesia. Di samping itu juga, seramai 100 peserta dari badan-badan belia Islam di Singapura juga telah melibatkan diri pada hari pertama seminar.

Pada hari pertama seminar, tiga kertas kerja telah disampaikan oleh tiga penceramah undangan yang telah mengupas isu-isu penting tentang menjana sumbangan belia.

Kertas kerja pertama yang bertajuk “**Cabaran, Keperihatanan & Aspirasi Belia Hari Ini**” telah dibentangkan oleh Dr Albakri Ahmad, Pengarah di Jabatan Pembangunan Korporat dan Pendidikan, Majlis Ugama Islam Singapura (Muis).

Kertas kerja kedua yang bertajuk “**Menangani Cabaran Belia Melalui Pendekatan Da’wah Islamiyyah Kontemporari**” telah dibentangkan oleh Prof Azimi Hamzah, Ketua Unit Penyelidikan Pembangunan Belia, Fakulti Pendidikan, Universiti Putra Malaysia.

Akhir sekali Dato’ Dr Wan Halim Othman, seorang pakar sosiologi klinikal telah membentangkan kertas kerja yang bertajuk “**Cabaran dalam Membangun Belia**”.

Hari pertama seminar telah diakhiri dengan sidang pleno yang melibatkan semua penceramah. Berbagai isu serta idea yang telah diketengahkan oleh para hadirin untuk menyemarakkan usaha untuk menjana belia penyumbang.

Pada hari kedua seminar, perbincangan hanya tertumpu kepada para peserta delegasi yang membentangkan kertas laporan bagi negara masing-masing. Ini diikuti pula dengan perbincangan tentang idea-idea bernas yang dapat diusahakan secara bersama. Pertemuan hari kedua diakhiri dengan persetujuan resolusi seminar yang kemudiannya telah dicadangkan di Mesyuarat Pegawai-pegawai Tinggi (SOM) Kali ke-29.



Para ketua delegasi dari negara anggota MABIMS



Sesi Sidang Pleno sedang berjalan lancar



Perbincangan tentang resolusi seminar



Para perwakilan Negara Brunei Darussalam sedang beraksi